

周  
官  
心  
解

周官心解卷第二十

諸暨楊莊蔣載康闢訂

同邑俞夏建校刊

夏官司馬第四之四

○弁師掌主之五冕皆玄冕朱裏延紐

五讀作六。冕服有六五當作六。字

之誤也。祀大神旅上帝祭大元之冕十二旒以下袞冕驚冕毳冕希冕元冕共六鄭謂大裘之冕無旒不聯數非也郊特牲戴冕璪十有二旒可謂無旒乎註延冕之覆在上紐小鼻在武上笄所貫也疏古者績麻三十升布染之上元下朱延者版廣八寸長尺六寸以上元下朱衣之覆在冕上弁前後平得弁稱冕前低一寸餘得冕名冕  
○五采繅十有二就皆五采玉十有二玉笄朱

絃。纁古藻字。絃戶成反。纁合五采絲爲繩垂於延前。以爲旒者就成也。每一繩貫十二玉。一玉一采。朱、白、蒼、黃、元、周而復始。一玉爲一就。就間蓋一寸。朱絃以朱組爲絃也。絃一條屬兩端於筭以固冕者。王冕五采纁五采玉。十有二就不論十二旒。九旒七旒五旒三旒一旒皆十有二就也。六冕皆纁玉五采祀帝十二旒如其就數。計玉百四十有四。亥九旒玉百零八。鷩七旒玉八十有四。毳五旒玉六十。希三旒玉三十。有六。元一旒玉十二。王筭該瑱獨言朱絃異於侯以下。而元統亦該之。江慎脩曰。大戴禮及東方朔答客難皆云冕而前旒所以蔽明。則無後旒可知。後旒何所取義乎。鄭謂前後皆有旒。此因玉藻前後遽延而誤耳。前後遽延謂版尺六寸長於冕體。由後至前皆深邃。非謂後亦有旒也。玉藻言十有二旒。未嘗言前後皆十有二旒也。鄭所計用玉每旒皆當去其半。按此說得之。當從。

諸侯之纁旒九就。璿玉三采。其餘如王之事。纁旒皆就。玉

璚玉筭

侯當作公旂同旒音畱璚本又作珎密寅反璚

冕其說

信然然則纁旂皆就第就公冕說謂公即不服

九族其

七旂五旂三旂一族無不三采九就也璚美石

玉參用

石下天子純玉也三采朱白蒼五采無元黃不

敢如王

備天地之色也璚筭同王純玉別於弁也衛風

日會弁

如星充耳琇瑩琇瑩美石上公冕璚玉纁皆朱

白蒼三

采每旂九就袞爲上服九族璚玉八十有一驚

七族六

十三纁五旂四十五希

三旂二

十七元一旂九璚玉

王之皮弁會五采玉璚象邸玉筭

會古外反璚音其邸丁

冠弁舉

皮弁者舉中包上下五采玉璚六會縫皆以五

采玉十

二結之象邸以象齒爲上覆制平弁平也玉筭

王弁異

於下按冠弁或無象邸王

○王之弁經弁而加

弁皆五

采玉六會合七十二玉

○王之弁經弁而加

環經

弁經弔服諸儒皆不言飾觀下各以其等爲之則

司官心

卷二十一

夏官

弁師

二

聖道堂

之麻經纒而不  
糾弔事并經服

諸侯及孤卿大夫之冕韋弁皮弁并經各以其等爲之而

掌其禁令

此諸侯兼伯子男孤卿大夫亦下兼侯國諸臣皆冕服者也侯伯七旒五旒以下皆七就

璿玉纁皆朱白蒼三采驚爲上服七旒璿玉四十九纁

五旒三十五希三旒二十一元一旒七璿玉子男五旒

以下皆五就璿玉纁惟朱白二采據子男公統璿纁二

纁三采則子男之冕及朱白二采皆朱白二采璿玉二十五希三旒十五元

一旒五璿玉王之孤五旒六就璿玉纁朱白二采大夫

三旒四就璿玉纁朱白二采公之孤三旒四就卿一旒

三就大夫一旒再就或一旒一就皆朱綠采降於子男

王臣之朱白矣弁各以其等句上概諸公下括諸侯之

士上公璿玉朱白蒼三采會皆九玉六會五十四侯伯

亦璿玉三采會皆七玉六會四十二子男璿玉朱白二

采會皆五玉六會合三十王之孤卿璿玉六朱白二采

大夫璿玉四、亦二采、公之孤、朱綠璿玉四、諸卿三玉、大  
夫二玉、或一玉、璿玉皆朱綠采、王朝之士、亦璿玉、朱白  
二采、上士三玉、中士二玉、下士一玉、諸侯之士、一命者  
璿玉一、不命者無玉、亦璿玉、朱綠采、士上服爵弁、因其  
等爲之、則王之上士、亦璿玉三、中士璿玉二、下士璿玉  
一、又春官司服云、士之服自皮弁而下、則不服韋弁矣、  
此亦因其等以立濫也、文不及三公、而其等自在、三公  
八命、冕當七旒、八就、璿玉纁朱白二采、上服鷩七旒、璿  
玉五十六、纁五旒、四十、希三旒、二十四、元一旒、八玉、弁  
皆璿玉八、亦朱白二采、六會、四十八、璿玉、至於孤卿之  
璿玉纁二采、六就者、則上服纁五旒、璿玉三十、希三旒、  
十八、元一旒、六璿玉、弁二采、璿玉六、六會合三十六、大  
夫之璿玉纁二采、四就者、則上服希三旒、璿玉十二、元  
一旒、璿玉四、弁二采、璿玉四、六會合二十四、公之孤、朱  
綠璿玉纁四就者、亦希爲上服、三旒、璿玉十二、元一旒、  
璿玉四、諸侯之卿、朱綠璿玉纁三就者、則元冕一旒、璿  
玉三、再命之卿、璿玉二、一命、璿玉一、大夫元冕一旒者、  
再命二就二玉、一命一就一玉、王三士、皆以爵弁爲上

服朱白二采璿玉上士璿玉十八中士十二下士六皮弁亦如之諸侯之士惟一命者爵弁皮弁朱綠璿玉六會各一玉不命之士無璿玉也若附庸之君四命冕弁當與公之孤同冕二等亦朱綠璿玉纁四就四玉三旒希冕十二玉一旒元冕四玉弁二十四玉冕制始自軒帝虞夏收殷畀其來已久按之諸經虞書詳於衣裳而冕制不詳備言貴賤之冕而無遺者第在禮器然不過曰天子朱綠纁十有二旒諸侯九上大夫七下大夫五士三而已夫天子爲一代禮義所宗典有重輕卽服當隆殺不論事之大小神之尊卑而槩服祀天之冕則無等而不可以定天下之制且諸侯貴賤各殊不問公侯伯子男而皆服九旒無別甚矣諸侯有君道大夫則全乎臣矣君陽象數宜奇臣陰象數當偶不取偶數而以七五之旒數爲經非臣道矣臣過尊者或上通七旒五旒豈所以尊主而抑臣哉夫屬乎大夫者士也朝不坐燕不與與庶民相去幾何而槩服冕又且不分上中下而同一三旒則尤無區別矣況采色貴正而賤間五等之冕通用朱綠而玉又全無殊異僅以旒數差之

何以昭定分而別嫌微也哉。今按周冕尊卑差等不爽。秋毫以就數爲大經。而緯以纁采璫玉垂旒之辨。在天子則備正色五采纁五采純玉十有二就。爲大經。十二旒至一旒。皆以十二爲準。諸侯以下玉雜以璫。上公九就。侯伯七就。皆朱白蒼正色三采。子男五就。璫玉纁朱白正色二采。此有君道。皆上服旒數與就數相準。王三公以下臣道也。三公八就而七旒。孤卿六就而五旒。大夫四就而三旒。而王臣之等明。若臣於諸侯者。冕亦有同於王臣者矣。然公之孤三旒四就。附庸亦三旒四就。而璫玉纁降朱白而參間色之朱綠。則大有差別。卿大夫皆元冕一旒。璫玉纁亦用朱綠。三命者三就一旒。再命者再就一旒。一命者一就一旒。不與王臣大別乎。士不服冕而服弁。服弁則弁亦因冕玉冕纁就數。如王弁五采純玉。每會十二。公璫玉每會正色三采九。侯伯璫玉每會三采七。子男璫玉每會二采五。三公孤卿大夫璫玉朱白二采。各八。各六。各四。皆不同也。諸侯之孤卿大夫璫玉朱綠二采。或四或三或二或一。亦各不同。王之上中下士弁皆朱白璫玉。上士各三。中士各二。下士



各一諸侯之上中下士皆朱綠璫玉受一命者璫玉一不命者無璫玉也其上服爵弁亦如之又王及諸侯孤卿大夫皆有韋弁而春官司服曰士之服自皮弁而下如大夫之服則弁亦因等以遞降也豈非制度之至善者哉此孔子所以取之也

○司甲。闕

○司兵。掌五兵五盾。各辨其物與其等。以待軍事。

盾常準反。此

將士所用兵也。軍事操兵者尊卑殊別。兵盾之制亦因之。故各辨物等以待事也。物志別。若左傳叔孫之甲有物等差等。鄭司農云。五兵戈殳戟酋矛夷矛。按以下建車之五兵觀之。司農之說信然。五盾檣大盾也。觀春秋傳狄虎彌蒙大車之輪以爲鹵。則檣爲大盾而制圓矣。干形上大下小。而方秦風小戎。又有蒙伐龍盾。疊見於一篇之中。伐中盾蒙繪錯文龍盾。盾畫龍者言合合二盾爲車前蔽。則龍盾允中盾矣。而管子又有繫於要脅

之小盾此爲最小可知五盾可得其槩

及授兵從司馬之灋以頒之及其受兵輸亦如之及其用

兵亦如之

兵盾從革車各有定數須車若干兵盾若干皆司馬隨事以簿書令之授者授士庶子等

頒則各因其等受兵輸事訖還兵司兵受之而納於庫也輸庫亦從司馬之灋者兵盾物等殊別司馬立灋令藏貯異庫故輸納必從灋也用兵亦如之者以戰用兵授受輸頒亦準前灋

祭祀授舞者兵

此與下司戈盾所授乃兵舞者所執諸國子武舞干戚文舞羽籥小舞諸器及執師

旄人所舞則司干授之無與二官舞師教兵舞帥而舞山川之祭祀此所授是也或曰兵舞卽干舞此官掌五兵五盾司戈盾亦掌盾此及下授舞者兵卽授干舞所執耳予曰干戈長而盾圓形制大別斷屬兵舞之器

大喪廞五兵

廞明器之五兵也亦具五盾註士喪禮下篇有甲冑干笮

軍事建車之五兵會同亦如之

建車之五兵凡革車之兵皆建之此即士庶子所乘

者五盾皆備可知此職無用財事而秋官職金受士之金罰貨罰入於司兵司厲盜賊之貨賄任器入於司兵於此職無考知有關文

○司戈盾掌戈盾之物而頒之

祭祀授旅賁及故士戈盾授舞者兵亦如之

故士王故舊支庶為士者

不授王族士宗廟之祭王族在昭穆中故也若郊祀等祭亦授之及如杖長尋有四尺但旅賁氏祭祀無執及之文此及字或訛以下節例之或及字之誤亦未可知此職所授惟主從衛王者

軍旅會同授貳車戈盾建乘車之戈盾授旅賁及虎士戈

盾貳車公卿等從王倅車亦曰副車副車十二乘與車僕所掌異乘車王所乘玉金象革木五路也 ○

及舍設藩盾行則斂之

註舍止也藩盾盾可以藩衛者疏王行止宿衛非止一重

車宮外別有此藩盾也

○司弓矢掌六弓四弩八矢之灋辨其名物而掌其守藏

與其出入

藏才浪反。註灋曲直長短之數按名即王弧枉絜等名物該等如同一王弧皆分尊卑

之等以別而誌之

○中春獻弓弩中秋獻矢箛

中音仲箛音服註箛盛矢器

以獸皮爲之李茂夫曰弓人爲弓夏秋冬造至春被弦故弓弩中春獻之棄人職矢箛春作秋成故中秋獻之

及其頒之王弓弧弓以授射甲革樞質者夾弓庾弓以授

射豸侯鳥獸者唐弓犬弓以授學射者使者勞者

射常亦反

樞張林反夾古治反豸音岸使所吏反。註王弧夾庾唐大六者弓異體之名也往體寡來體多曰王弧往體

多來體寡曰夾庾往體來體若一曰唐大甲革革甲也  
春秋傳蹲甲而射之質正也樹樵爲射正射甲與樵試  
弓習武也射侯五十步及射鳥獸皆近射也近射用弱  
弓則射大侯者用王弧射參侯者用唐大矣學射者弓  
用中後習強弱則易也使者勞者弓亦用中遠近可也  
勞者勤勞王事若晉文侯文公受王弓矢之賜者按射  
侯與獸侯鄉侯爲例○其矢箠皆從其弓殺鏃從王弧增弗從夾  
文差之枉絜二矢誠四弩所用不從六弓然按秋官庭  
氏枉矢從大陰之弓則二矢亦有入弓用者註一箠百  
矢○凡弩夾庾利攻守唐大利車戰野戰註攻城壘與自守相迫近  
弱弩發疾也車戰野戰進退非強不及弩無王弧弩恆  
服弦往體少者矢不疾疏弓用則服弦不用則弛惟弩  
用與不用一張之後竟不弛故恆服弦用弱者  
以強弓久不弛則就弦弱則隨體不就弦也

凡矢枉矢絜矢利火射用諸守城車戰殺矢鏃矢用諸近

射田獵。矦矢弗矢。用諸弋射。恆矢痺矢。用諸散射。

結又

戶結反。矦音侯。矦音增。弗音弗。痺必二反。註。枉矢取名。變星飛行有光。絜矢象焉。二者皆可結火射敵。殺矢中則死。鏃矢象焉。結繳於矢。謂之矦。矦高也。弗矢象焉。恆矢安居之矢。痺矢象焉。散射禮射及習射。凡矢之制枉矢之屬五分。二在前。三在後。殺矢之屬三分。一在前。二在後。矦矢之屬七分。三在前。四在後。恆矢之中。軒輶中。王龜齡曰。上文云。四弩用於攻守與戰。此枉矢絜矢。用諸守城車戰。是以二矢當四弩之用。明矣。二矢既當四弩。其餘六矢當六弓之用。豈不曉然。經曰。王弧以授射。甲革樞質者。甲革樞質。軍射也。殺矢矦矢。用於田獵。田獵以治兵。講武。軍射田射。一事也。故考工記。矢人之兵。矢田矢亦同其制。則此二矢當二弓。明矣。經曰。夾庾以授射。矦侯鳥獸者。今矦矢弗矢。用諸弋射。則此二矢當二弓。明矣。唐大授學射者。使者勞者。卽散射也。今恆矢痺矢。用於散射。則此二矢當二弓。明矣。

天子之弓合九而成規諸侯合七而成規大夫合五而成

規士合三而成規句者謂之弊弓

句音鉤。註體往來之衰也往體寡來體

多則合多往體多來體寡則合少弊猶惡也疏此據角弓反張不被弦而合之按前頒之節據各射不同者言繼以矢箛從弓見其配合一定凡弩著四弩之用不同繼言八矢之用則枉絜二矢必從四弩殺鏃二矢必從王弧增第二矢必從夾庾恆痺二矢必從唐大無從更易此言天子以下禮射之弓天子大侯九十步合九成規則王弧也諸侯七十步合七成規則唐大也大夫從王大射侯道五十步士從諸侯亦然一合五一合三皆夾庾也合之於矢以王弧射九十步之大侯則遠射也豈可用近射之鏃殺增第二矢允配夾庾而二矢惟宜弋射又與侯射不宜惟恆痺與唐大二矢二弓適相宜耳竊以爲二矢不惟唐大用之夾庾亦用二矢王弧亦用二矢也何也前言用矢曰恆矢痺矢用諸散射言散射凡大射以下皆統之矣然則夾庾所用惟恆痺王

弧所用亦恆  
瘳允斷然也

凡祭祀共射牲之弓矢

國語禘郊之事天子必自射其牲疏言凡則天地宗廟皆射牲○

澤共射樞質之弓矢

鄭司農曰澤澤宮也習射選士處射義天子將祭必先習射於澤澤

者所以擇士也已射於澤而後射於射宮射中者得與於祭按此弓王弧矢或鏃殺

大射燕射共弓矢如數并夾

夾音甲。大射燕射包賓射大射王王弧諸侯唐大卿大

夫夾庾賓射同燕射君臣同射五十步之侯夾庾皆可矢惟恆瘳可通然大射賓射則卿大夫得用去繳之矰

弗燕射即君臣通用矰弗亦可矣註如數射者之數也每人一弓乘矢并夾矢箠也

大喪共明弓矢

明弓矢明器之弓矢廡之藏之可知註士喪禮下篇用器弓矢

凡師役會同頒弓弩各以其物從授兵甲之儀

以弓弩該矢各以其



物辨等也。儀威儀如以王之弓弩矢授人授受必至敬。公孤以下各有差授甲之儀具司甲惜文闕。

田弋充籠箠矢共贈矢。

註：籠竹箠也。贈矢不在箠為相繞。亂按此另共之亦該弗矢田弋無。

四弩不及枉繫二矢入用亦當另共。

凡亡矢者弗用則更。

註：更償也用而棄之則不償。鄭剛中曰：不用於射而亡則使之償。

○繕人掌王之用弓弩矢箠贈弋扶拾。

扶古穴反。用遊燕所須禮事弓弩。

等物司弓矢掌之。註：扶扶矢時以持弦著右手巨指。士喪禮扶用正王棘若擇棘則天子用象骨與拾。韓扞著左臂裏以韋為之。按繕人所掌橐人擇善者入繕人共王時用也。

掌詔王射。

告王如畱場方。

○贊王弓矢之事。

註：授之受之按王射大僕授弓矢射畢又。

受之此遊燕而射大僕不與故繕人授受之若賓射以下小臣贊之。

凡乘車。充其籠箠。載其弓弩。此遊燕所乘。木路也。木路亦曰遊車。註。充籠箠以盛矢。

。既射。則斂之。註。斂。藏也。無會計。會。古外反。註。亡。敗多少不計。

。橐人。掌受財于職金。以齎其工。橐。音犒。齎。音咨。職金。入金錫於爲兵器之府。

又云。受士之金罰貨罰。入於司兵。司兵無之。於彼互見。橐人受財。職金考之。於此互見也。齎。資。齎其工。給工人

食用及犒。。弓六物爲三等。弩四物亦如之。註。三等者。上。中。下。人

各有所宜。弓人職曰。弓長六尺六寸。謂之上制。上士服之。弓長六尺三寸。謂之中制。中士服之。弓長六尺。謂之

下制。下士服之。按弩四物。亦因人爲制。而分三等。。矢八物皆三等。箠亦如之。

春獻素。秋獻成。註。矢箠。春作秋成。愚按。司弓矢。六弓六矢。四弩二矢。此言皆分三等。八矢各分

三等也。皆據人之長短爲三等。灋。

書其等以饗工。鄭司農曰書工拙高下之等註饗酒。乘

其事。試其弓弩。以下土其食而誅賞。註故書試為考。乘其事總計每工

所作多少試弓弩試其所作善惡作多而善者土其食

作少而惡者下其食賞則作尤多而尤善者也誅則作

至少而尤惡者也此考工之乃入功於司弓矢及繕人。註功成

凡齋財與其出入皆在橐人以待會而攷之。亡者闕之。會古

外反。註所齋工之財及弓弩矢箠出入其簿書橐

人藏之。闕除也。弓弩矢箠棄亡者除之。計今見在者。

戎右掌戎車之兵革使。使所吏反。註。詔贊王鼓。註

告王鼓節又助擊之疏犬僕。傳王命于陳中。陳直印

已贊王鼓此亦助擊其餘面。反。註

夕按燕燕於大寢諸侯朝元冠燕亦朝服此云燕  
乘象路朝夕同王朝皮弁服燕亦皮弁服可知○掌

貳車之政令

五路副車皆十二乘不獨戎路有倅副也著此見諸路同政令兼正服車儀

○田僕掌馭田路以田以鄙

註田路木路也田田獵按鄙若省耕斂及巡邊鄙

掌佐車之政

註佐亦副

○設驅逆之車

註驅驅禽使趨獲逆衙使不出國

命獲者植旌

鄭剛中曰虞植旌旗為屬禽設此則令獲禽自植告獲也

○及獻比禽

比毗志反一必里反。註田弊獲者各獻其禽比種物相從次數之

凡田王提馬而走諸侯晉大夫馳

王介甫曰提節之晉進馳則亟進之尊者安舒

卑者咸速

○馭夫掌馭貳車從車使車

王介甫曰貳車副車從車屬車也使車使者所乘車

分公馬而駕治之。

註乘調六種之馬。按此職前開僕夫一官。此及僕夫皆當列校人之後。

○校人掌王馬之政。

校戶教反。註政差擇養乘之。

○辨六馬之屬種馬

一物戎馬一物齊馬一物道馬一物田馬一物駑馬一

物。

齊側皆反。註種上善似母者。以次差之。玉路駕種馬戎路駕戎馬金路駕齊馬象路駕道馬田路駕田

馬駑馬給役按物即馬質馬量三物之物就得力形色而分其等也。司馬灋宗廟齊毫尚純也。田事齊足尚疾

也。戎事齊力尚強也。亦見物之不同。

凡頒良馬而養乘之。乘馬一師四圉。三乘爲皐皐一趣馬

三皐爲繫繫一馭夫。六繫爲廐廐一僕夫。六廐成校。校

有左右。駑馬三良馬之數。麗馬一圉。八麗一師。八師一

趣馬八趣馬一馭夫

乘繩證反阜才早反趣倉走反繫音計廢音救八皆作六。註良善

也善馬五路之馬鄭司農云四匹爲乘養馬爲圉註二耦爲乘師趣馬馭夫僕夫帥之名也趣馬下士馭夫中士則僕夫上士也自乘至廢其數二百一十六匹易乾爲馬此應乾之策也麗耦也駕馬自圉至馭夫凡馬千二十四匹與三良馬之數不相應八皆宜爲六字之誤也師十二匹趣馬七十二匹則馭夫四百三十二匹矣然後三之既三之無僕夫者不駕五路卑之也按三分良馬駕馬之數良馬居二駕馬居一也每廢良馬二百十六匹又分駕馬一百八匹入之所謂一閑也竊謂種馬雖駕玉路名曰種則馬之生息盡資種馬矣戎齊道田四項當各二廢而種馬獨四廢下凡馬特居四之一正指種馬言者六廢則一千二百九十六匹左右校則二千五百九十二匹三良馬之數則駕馬一千二百九十六匹矣校人以下僕夫上士十二人馭夫中士七十五人趣馬下士二百三十四人圉師七百五十六人圉人三千二百四十人良馬僕夫以下馭夫七十二人趣

馬二百十六人、圉師六百四十八人、圉人二千五百九十二人、駑馬、馭夫三人、趣馬十八人、圉師一百八人、圉人六百四十八人、

天子十有二閑、馬六種、邦國六閑、馬四種、家四閑、馬二種、

閑三百二十四匹、良馬、廐二百一十六匹、加駑一百八匹、爲閑、總十二閑、凡三千八百八十八匹、邦國六閑、一千九百四十四匹、家四閑、一千二百九十六匹、此大都采地之家也、若小都、家稍當殺於此、六閑亦就大國言、次國小國亦殺於大國、諸侯四種、或齊、或道、或戎、馬田馬、駑馬、大夫二種、戎馬、駑馬、駑三良數同、○凡馬特居四之一、欲馬生息、故特、牡馬不驥者、凡、天子邦國及家、特四之一者、牝及牡之驥者、居三也、

春祭馬祖、執駒、

註、馬祖、天驕也、孝經說、房爲龍馬、鄭司農云、執駒、無令近母、二歲曰駒、三歲曰駑、註、

執拘也。春通淫，駒血氣未定，為乘匹傷之。疏：春時通淫，求馬蕃息，故祭馬祖。○夏祭先牧，頒

馬攻特。先牧，始牧馬者。夏煥熱，熱時就庠，早及日昃後放牧，頒馬令分牧之。註：通淫後攻特，為蹄齧不

可乘用。鄭司農云：攻特，驟之。○秋祭馬社，臧僕。秋祭社，疏：祭先牧者，夏草茂求肥充。○秋祭馬社，臧僕，報物成

也。馬亦秋成，故祭馬社。似與始乘者無與。鄭司農云：臧僕，簡練馭者，令善也。註：僕，馭五路之僕。按僕，僕夫也。王

五路皆有空者，不親乘此路，即使僕夫馭之。僕夫，上士與道僕田僕，爵列等，故亦馭路也。習馭路，故云臧。○

冬祭馬步，獻馬，講馭夫。註：馬步，神害馬者。獻馬，見成馬於王也。馭夫，馭貳車從車使車

者，講猶簡習。

凡大祭祀，朝覲會同，毛馬而頒之。註：毛馬，齊色也。頒，授當

廟齊毫尚純也。戎事齊力尚強也。田獵齊足尚疾也。爾雅亦云：雖據宗廟，至於田獵，軍旅既尚疾，尚力亦尚色。



也詩四驪彭彭武王所乘四鐵孔  
臯齊襄以田是齊色不專據宗廟○飾幣馬執扑而從

之賓客在館以幣馬遺之校人主飾其馬執扑者其下  
士鄭司農云校人主飾之聘禮馬則北面奠幣於其  
前士喪禮下篇薦馬纓三就入門北面  
交轡圉人夾牽之馭者執策立於馬後

凡賓客受其幣馬賓客之幣馬朝聘享王者

大喪飾遣車之馬及葬埋之註馬塗車之芻靈

田獵則帥驅逆之車註帥猶將也

凡將事于四海山川則飾黃駒王巡守所經有所沈之禮四海海也如東方則東海

南方則南海王不親至宗祝用事犬祝大會同過大山  
川則用事焉又玉人宗祝以黃金勺前馬因巡守故言  
四海疏山川地神  
土色黃故用黃駒

凡國之使者共其幣馬

此則聘問諸侯者而私覲之幣馬亦槩之

凡軍事物馬而頒之

註物馬齊其力

等馭夫之祿

註馭夫於趣馬僕夫為中舉中見上下

宮中之稍食

鄭司農曰稍食曰廩

註師國府史以下也按師國府史等稍食固有差然大內之用馬正多馬用於宮中師國等自應就養於內故

亦等宮中之稍食

○趣馬掌贊正良馬而齊其飲食簡其六節

參註簡差別分王馬為六

等

掌駕說之頒

說音稅一音脫頒讀班。頒當作班疏用馬當均勞逸故駕說依次第

辨四時之居治以聽馭夫

註居牧序所處治執駒攻特之屬疏馬二月已前八月已後在

廋二月已後八月已前在牧故云四時也趣馬下士屬馭夫中士故云聽馭夫按下圉師國人當移置此職下

○巫馬掌養疾馬而乘治之相醫而藥攻馬疾受財于校

人相息亮反。因祟得疾者乘治之乘以疾馬駕車而得祟者醫藥之相亦以符祝治之也醫即獸醫醫畜者列職天官不統於校人疏巫知馬祟醫知馬疾二者相須故巫助醫也受財者共祈具藥直○馬死則使其賈粥之入其布于校人賈音古粥音育。註布泉也鄭司農云賈其屬賈二人粥賣也

○牧師掌牧地皆有厲禁而頒之牧師下士然在外牧此官為總職在內則度人

總之亦下士也註頒授圉者所牧處疏厲禁牧馬處遮護禁止不得使民放牛馬○孟春焚牧

註焚牧地除

○中春通淫

中音仲。註中春陰陽交萬物生時合馬之牝牡也月令

季春合累牛騰馬遊牝於牧秦地寒涼萬物後動

○掌其政令凡田事贊焚萊

政令即前厲禁頒牧通淫之政令註焚萊者山澤之虞

○廋人掌十有二閑之政教以阜馬佚特教駢攻駒及祭

馬祖祭閑之先牧及執駒散馬耳圉馬

駢徒刀反。鄭司農曰馬三歲

日駢二歲曰駒杜子春曰佚當為逸註逸者用之不使甚勞安其血氣也教駢始乘習之也攻駒驟其蹄習者閑之先牧先牧制閑者散馬耳以竹括抑其耳頭動搖則括中物後遂串習不驚鄭剛中曰攷二及字之義當為七事廋人職卑安得主馬祖之祭於校人祭馬祖時已祭閑之先牧於校人命執駒時已散馬耳圉馬按廋人以阜馬為總綱佚特則血氣強而所生壯大教駢則習之有漸而安於駕馭攻駒則無蹄齧之患而羣安於

夏官

廋人

卷二

廋人

廐皆所以阜馬也。祭閑先牧，祈馬阜，散耳亦以安其血氣情性。圉馬，良馬一馬一圉，四馬一師，驚馬二馬一圉，十二馬一師，各令分養，俛不知芻秣有欠也。正校人員，選擇善其事者養之，皆以阜馬故。馬八尺節，正見馬之阜也。閑之先牧與校人之先牧別。彼祭於夏，在牧地，此卽春祭馬祖時祭之，祭之於閑也。蓋始制爲閑者，校人祭馬祖執駒，同在春時。

正校人員選校人員選，校人之員當選者，謂師圉也。王介甫曰：正其員使員稱馬數，正其選使選惟其能。

馬八尺以上爲龍，七尺以上爲騊，六尺以上爲馬。騊音來，八尺以上者，王金象革四路可駕，亦可爲凡戎馬。七尺以上可駕田路及驅逆等田車。六尺以上則駑馬而已。趣馬六節之簡，多主於此。

○圉師掌教圉人養馬。春除蓐，蓐廐始牧。夏，廐馬。冬，獻馬。射則充樁質。茨牆則剪鬣。蓐音辱，序五稼反。茨在私反。註：蓐馬茲也。馬既出而除之，蓐神之也。春秋傳：凡馬日中而出，日中而入，廐廡也。廡以庇馬涼。茨，蓋也。鬣，苦也。按鬣同蓋。左傳：被苦蓋是也。註：樁，質剪鬣。圉人所習。徐氏曰：樁質以木爲之，縛草以代侯者，剉草爲苦，以蓋牆。按：圉師以芻養馬，故令兼此二事。按此及下，圉人二職，皆當移置趣馬後。

○圉人掌養馬芻牧之事，以役圉師。芻，養之閑。牧，牧之野。

凡賓客喪紀，牽馬而入陳。註：喪紀之馬，啓後所薦馬。疏：賓客在館，天子使人就館陳之。天

子將葬朝廟，在廟陳設明器時，薦馬及纓入廟陳之。按小喪陳馬亦然。凡賓客該廣小事，賜幣者兼舉之。凡喪紀不專指大喪，凡內而夫人以下，外則三公以下及諸侯皆是。陳馬以助喪事。○廐馬亦如之。

廐馬馬亦芻靈之屬入陳  
時儀若牽之此專指大喪

周官心解卷第二十終

周官心解卷第二十一

諸暨楊莊蔣載康闡訂

後學

趙德齡  
章砥中  
蔣春谷

校刊

夏官司馬第四之五

○職方氏掌天下之圖以掌天下之地辨其邦國都鄙四

夷八蠻七閩九貉五戎六狄之人民與其財用九穀六

畜之數要周知其利害

閩梅巾反貉孟白反畜許六反鄭司農曰東方曰夷南方曰

蠻西方曰戎北方曰貉狄註閩蠻之別國語曰閩芋蠻矣四八七九五六周所服國數也害神姦鑄鼎所象百物愚按左傳使民入山林川澤不逢不若與利同出蓋大山大澤多有之註爾雅九夷八蠻六戎五狄謂之四



海大司徒天下土地之圖專主天下之五土所建邦國之圖則主封諸侯者此職方所掌則據司徒所已建而外及四夷諸地觀下山鎮澤藪川浸則仍兼五土可知矣夷蠻閩貉戎狄等在夷鎮蕃三畿之地然亦有在九州內者如淮夷徐戎皆是邦國都鄙統國畿及侯國國畿亦在九州之數諸侯分邦國都鄙皆準王國之制也人民財用九穀六畜者爲下總綱人民之數要如二男五女一男二女等財用之數要如金錫竹箭丹銀齒革等九穀之數要如宜稻宜五種等六畜之數要如宜鳥獸宜六擾等皆書要簿也利卽財用財用出于山澤川浸害亦山澤川浸之害○乃辨九州之國使同貫利通觀下山川二師可見也

也國也

也每州所產利各不同而爲各州所資故使各相貫通而同利其利也通利商賈事使職方令之使牧伯使邦

東南曰揚州

禹貢揚州之域東距海北據淮故曰淮海惟揚州殷則淮南亦入徐以江爲揚北界故揚

州謂之江南。若周又易徐爲青，淮爲青州。而考其山鎮澤藪及浸，胥在淮北。知淮南之地無非揚域，仍以淮爲揚北界。與禹貢不異也。其南境當以海爲界。若閩之漳泉，粵之潮胥，入統內，恢於禹時矣。○其山鎮

曰會稽，其澤藪曰具區。其川三江，其浸五湖。其利金錫

竹箭，其民二男五女。其畜宜鳥獸，其穀宜稻。會古外反。浸子蔭反。

○註：鎮名山，安地德者也。浸，可以爲陂灌漑者。錫、鉛、箭，篠也。按澤藪並舉，大水深廣不涸者，澤也。水涸時，蒲葦交結者爲藪。金、金、銀、銅、竹、大竹，二男五女，當時人民大數。下每州男女多寡倣此。今揚土家畜惟馬絕少，雞犬豕，則家有之。農家畜牛，牧家多畜羊。野鳥獸間畜，鴿類其他絕少。經云：畜鳥獸。蓋古時如此。揚雜聞：蠻、荆、雜蠻皆通鳥獸語，故也。穀宜稻，下地故。荆同。顧景范曰：會稽山在浙江紹興府城東南十二里。按去城五里，屬會稽縣。具區皆謂卽太湖。禹貢之震澤，今承之。景范又曰：在南直蘇州府西南五十里。按去蘇州府城三十里，在常

州府城東南百里浙江湖州府城北二十八里環二省之交三府十三縣地蘇州吳縣長洲吳江震澤四縣常州武進陽湖無錫金匱宜興荆溪六縣湖州烏程歸安長興三縣縱橫三百八十餘里周三萬六千頃誠大江以南浙水以北彭蠡以東第一大澤藪也三江大江松江浙江也古三江有三一見禹貢江爲中江漢爲北江彭蠡爲南江三水合流由揚入海書紀治水之績故及上流實則一江也固非周官之三江一爲國語三江則松江浙江浦陽江也據吳越所爭者言亦非此三江一爲吳都賦之三江則松江婁江東江也東江絕無此水且三水止太湖出口揚州之地自江北東南盡海西自北而南極於廣東之潮州等處斷不專一太湖出口諸流矣某今據此三江以禹施功之地三水最大故主之若福建諸水建江最大以荒遠從畧故不數也旣以具區爲太湖則五湖斷在他所儒說仍以太湖東岸之菱湖游湖莫湖貢湖胥湖五者當之尤迷謬甚矣竊意揚地域遼闊湖數十里百里數百里者甚多若江北之寶應高郵邵伯三湖射陽巢湖江南之彭蠡鑑湖丹陽丹

徒練湖石曰洮湖何一不可舉之以應其數乃何沾沾於一湖以解古經乎五湖古無的指不敢臆斷要當於是等湖取之可無疑也

正南曰荊州

禹貢荊及衡陽惟荊州殷之荊州曰漢南漢在荊山之北已侵禹貢豫州南境此惟曰正

南北境若不可知觀下其川江漢則漢已屬荊而考其山鎮則在江南考其澤藪則跨江南北亦在漢南惟浸在漢北甚遠竊疑後人竄入然則以漢為川即以漢為北界也殆與殷不異矣惟南界則踰嶺而南但不盡兩粵如後世耳不恢於禹時乎 ○其山鎮曰衡山其澤藪曰雲薈其川

江漢其浸潁湛其利丹銀齒革其民一男二女其畜宜

鳥獸其穀宜稻

曹鳴鳳反湛直減反又音沈。註齒象齒革犀兕革按丹朱砂今辰州朱砂是

也禹貢貢金三品周時止有銀產因時異也顧景范曰衡山在湖廣衡州府衡山縣西三十里雲薈在湖廣德

安府城南五十里按僅如此則雲膏狹小矣須知周官雲膏不特跨江南北竝以南洞庭青草赤沙無不兼包誠中國第一大澤藪也江水大源在塞外之金沙鴉礮二江金沙江與古澤藪相近西藏衛地之巴壩通拉木山所合水與河源相近之巴壩巴壩九百里近源出周之雍州為今四川松潘衛邊外西番地之岷山羊膊嶺有南北二源流曲曲二百里二源合流入邊界黃勝關至漳臘營西有一水自邊外入弓楨口來注之東南流經茂州威州汶川縣至灌縣前江即古澤藪分為二派其南流者為正流其東流至瀘州復合者沱江也正流南二十里又分二派後又履分屢合共流至新津縣會合又沱江支渠白石魚河新開渠亦至此會合新津縣會合又沱江支渠白石魚河新開渠亦至此會合南流經彭山縣眉川城青神縣及嘉定府城犍為縣境至敘州府城東金沙江合鴉龍江來會金沙江自發源至三縣至瀘州城東沱江合諸水來會又東北流經合溪江津二縣至重慶府治巴縣東北有培江合白水嘉陵渠河三巨川盡并龍安潼川保寧順慶四府之水自西北

來會又東北經長壽縣至涪州有黔江江即烏江南自貴州合諸水來會又東北經鄧都縣忠州城萬縣雲陽縣至夔州經八陣磧瞿唐峽白帝城峽口灇嶺堆此江流至夔州又經巫山縣巫峽折而東南流入湖北界自夔州府城至宜昌府境自宜昌府城至行餘里經巴東歸州皆中關峽峽多宜昌府境皆中關行餘里經巴東歸州皆中關峽峽多宜昌府境皆中關江二縣折東北至松滋縣經荊州府城折東南流自巴至此經六百餘里經公安石首二縣至監利縣有支津合澧水入洞庭湖又南經華容東至岳州府城西北折東北流洞庭湖南匯沅湘諸水來會自岳州府城至又東北經臨湘嘉魚石中有沔陽東南諸水來注之又赤野湖會沔陽太白十四湖諸水來會又東北至漢陽武昌二府漢水合商維唐鄧以南諸巨川來會曰漢口又折而東南自岳州府城至蘄州興國廣濟諸州縣折東北流入江西界經瑞昌黃梅德化三縣至湖口縣彭蠡湖匯章貢諸水來會又東經彭澤縣東北流入江南界凡大江於江西經望江懷寧貴池銅陵等縣及無為州境又經繁昌蕪湖和州當塗

江寧句容諸境又東流經丹徒縣折而東北湖口自江西北  
流至此餘一又折東南流經泰州丹陽武進泰興靖江  
江陰如皋等境至昭文縣入海漢水源出陝西漢中府  
寧羌州北之嶓冢山初名漾水即禹貢導漾之嶓冢也  
東南流經沔縣會沔水又經褒城縣稱為沔水會黑龍  
江諸水又東南至漢中府治南鄭縣又東經城固西鄉  
石泉漢陰紫陽五縣又經興安州及洵陽白河二縣入  
湖北鄖陽府鄖西縣境自發源至此已又經鄖縣及均  
州至光化縣分為二派後復合又經穀城縣及襄陽府  
樊城南至東津灣折而南流經宜城鍾祥二縣及荊門  
州京山縣至潛江縣大澤口有支津西南流正派自大  
澤口折而北而東至張集港南又分支津正派東南流  
又分二派至脈旺黃二派復合東北流至漢川縣折東  
南至潰口塘會差潰諸水又東南流至漢陽府城北入  
大江當江口有巨洲曰漢口口南岸即武昌自鄖西界  
南六百餘里  
所南古與大江潁水發源河南府登封縣北中嶽嵩山  
拉南之少室山經密縣禹州新鄭長葛許州襄城臨潁

七州縣境至商水縣會汝及滎陽二水東南流經沈邱項城二縣入江南界經太和潁州二境至潁上縣與淮水合曰潁口湛在今河南汝州境內潁湛二字非劉歆竄入亦後人誤易者以二水全與荊州無涉此鄭氏所由疑其非也荊浸當闕以俟

考江漢二條本水道提綱

河南曰豫州

禹貢荊河惟豫州北境至大河南境至荆山故曰荊河殷之豫州北境仍禹之舊其南境

未至荆山而以漢水爲界故不言荊而第言河南也周之豫州亦曰河南而豫南之荊以漢爲川卽爲北界則豫之南界與殷同而蹙於禹時矣豫爲周國畿西都方八百里固禹時雍州之地地跨華山南北當西河西岸以在豫西北而名豫在河南者東都所宅地六百里其東南又封許鄭陳胡鄧唐諸國則在西河外者止八百里在河南者不下方千里矣豫州東境狹於禹時以望諸割入青也問西都西北界曰以圻爲界問南界曰亦以漢爲界

○其山鎮曰華山其澤藪曰圃田其川滎雒其浸



波漾其利林漆絲枲其民二男三女其畜宜六擾其穀

宜五種

華胡化反又如字圖音補榮戶青反漾莊加反又音詐臬思里反。註林竹木也六擾馬牛羊

豕犬雞五種黍稷菽麥稻顧景范曰華山在陝西西安府華州華陰縣南十里圃田在開封府中牟縣西北七里按榮禹時豬爲澤者周以前疏鑿與潁澤通合於濟瀆入海故曰川也然榮實濟伏流之三現洛水出陝西商州雒南縣冢嶺山有三源合東南流經縣北又東入河南界經盧氏永寧宜陽三縣至河南府城洛陽縣境會澗穀瀍三水又東經孟津縣至偃師縣會伊水又東北經鞏縣至汜水縣之西北入河波水亦禹時澤豬所謂榮波是也爾雅水自洛出爲波然別源出今汝州魯山縣西北之霍陽山亦名孤山俗稱歇馬嶺下流分三川合狼皋水溫泉水匯爲廣成澤周百餘里又合澗水神沙東流經寶豐縣葉縣至舞陽縣入汝廣成澤東漢築苑以田獵馬融有頌此水合在豫境允豫浸也漾水出隨州西北界山於漢川涓口塘南入漢此水曲折行

五百餘里，所合潁水，亦名清發。又合雲夢，孝感、應城諸水入漢。此水下流，在荆甚少，允豫浸也。水可陂障，以資灌溉，即可名浸，不必滙為巨澤也。此澧水遠在漢北，屬豫無疑。鄭氏謂非豫浸，非是。林漆、山林之利，絲枲、平原之利，豫為中州、天地之所合，四時之所交，風雨之所會，陰陽之所和，故六擾五種咸宜。林漆、絲枲、山林、平地之產皆饒，允非八州所及。

正東曰青州

周之青，禹貢之徐也。但大界參錯不同耳。若禹貢青州之地，則分割於幽、兗二州。此州全

不與也。殷人於此置徐，在沛水之東，故曰沛東。曰徐州，而徐之南境則極於大江。周則有青，無徐。青與揚分界，江淮之間蓋恢於禹貢之徐，而蹙於殷之徐矣。而西南境尤恢於禹貢之徐，以青以望諸為澤藪，望諸即孟諸。固在禹貢豫州故也。禹貢以岱為徐西北境，而大野亦在西境中，故曰海岱及淮惟徐州。又曰大野既豬，周以岱為兗鎮，以大野為兗澤藪，則西北境及西境大蹙。於舊要之擴於南方、西南方，故西北方、西方從殺也。○

其山鎮曰沂山其澤藪曰望諸其川淮泗其浸沂沭其

利浦魚其民二男二女其畜宜雞狗其穀宜稻麥

流音逃。

沂山在山東沂州府沂水縣西北青州府臨朐縣南爲東省諸山之祖卽東泰山也東自穆陵關蜿蜒而西數十里望諸卽孟豬在河南歸德府商邱縣禹貢屬豫州淮水出河南南陽府桐柏縣西南桐柏山東南流經湖廣隨州北界又折而北而東經信陽州真陽縣至息縣分二派至光州復合又東北經固始縣會汝水又折而南而北入江南潁州府南境又東南經霍邱北潁上南會潁河又東北經正陽關北壽州西有沙河合汝潁諸水來會又經懷遠縣會過河又東經長淮衛折而北而南經鳳陽府城臨淮縣城又折而北經五河縣合滄河分爲二支至朱家莊復合又折而南而東經盱眙縣北泗州城南東北流爲洪澤湖有睢河來入之又經淮安府桃源縣至清河縣之清口入黃河與河合東北流南分支渠爲運道經清江浦前折而向南經淮安府城

又經揚州府之寶應縣高郵州至揚州府城南分三支  
南入江與河合者東北經清江浦淮安府山陽縣阜寧  
縣北安東縣南又經北沙鎮北至雲梯關入於海若淮  
水舊道則在淮安府安東縣東北入海泗水出山東兗  
州府泗水縣東陪尾山數源並發俱西流經曲阜縣至  
兗州府城東分爲二派其西派穿城爲府河西出至濟  
寧州東合洸河又西南至天井牖入運河者支津也正  
派經城東而南會零河即沂水之沂山下至濟寧州又  
西南至棗林牖北魯橋入運河若泗水故道至淮安府  
清河縣南入淮沂水出兗州府沂水縣西北沂山西麓  
之雕崖山亦曰艾山南流合東汶河經沂州府城外及郯城  
縣入江南邳州界分爲三派其二皆經邳州城西入運  
其一南流於宿遷縣北匯爲駱馬湖又南入運河若故  
道則在邳州南入泗流水出沂山東峯白大弁山百尺  
崖東南流經莒州又南入江南贛縣界又西南經郯城  
縣境又南入江南界經邳州至流陽縣分爲二派北派  
又分爲二一東北流匯爲青伊湖一東注碩項湖南派  
亦入碩項湖又受鹽河水分支入海鹽河受運河水而

來若舊道則至淮安府安東縣西入淮駱馬湖自東北而西南長五十餘里東西廣三十里周百五十里青伊周圍五十里碩項倍之此皆灌溉所資二水稱浸宜矣蒲魚水利徐土繞水故兗州同

河東曰兗州

禹貢濟河惟兗州殷兗亦然謂東河之東濟水之北也周人兗州西北仍界東河濟則不

以爲界近南向北一帶則踰其東向東入海一段亦跨其南蓋嫌古之兗州地狹而割幽青之地以益之也謂之河東者著此州西界全以東河爲標的且見其東上有幽下有青未極於海也望諸在河西南已割屬青州九河東趨徒駭以北則入并而○其山鎮曰岱山其澤而不入兗經下河東二字精極

藪曰大野其川河沸其浸廬維其利蒲魚其民二男三

女其畜宜六擾其穀宜四種

沸子禮反。岱泰山也在泰安府於禹貢爲徐青南

北分界之山大野卽梁山澤及汶上縣西南南旺二湖而鉅野縣以此得名今惟二湖尚瀾漫數百里漕河貫

乎其中梁山灤南宋時以河徙而淤山下盡為平地久

矣此於高貢屬徐州河源出西番巴顏喀喇山之東麓

名阿爾坦河巴爾哈圖音喇山微即古克魯山此古關金為

東北流會鄂敦他拉諸泉水鄂敦山教他拉中平地名泉千

靈鄂靈二海各元史三百餘里二巨海在查爾東五十餘又查

東北流折而南共三百餘里水始變綠而黃又東南流

屈曲七百餘里東繞阿木你麻纏母孫大雪山之南

都崙河至烏藍莽乃山下折而西北古言河遶崑崙之

三面如玦然實禹貢導河之積石山非崑崙也又流四

百餘里稍西北流百餘里與齊普河呼呼烏蘇河會又

東北流三百餘里會貽克圖滾俄羅濟諸水又東北經

古城址北入河州歸德堡邊界又東四百餘里經積石

山南阿木你達拉加山積石關之北北岸入西寧東南

邊外界南岸入河州內西北界此唐宋以來所名之積

石也亦曰小積石自入歸德堡邊始名黃河古唐積石

自餘里百餘里歸德堡邊始名黃河古唐積石

職方氏

周官心釋

卷二十一

夏官

職方氏

界又東北經蘭州城北又經金縣循長城而北經靖遠

衛折東北出長城外數里復東南入長城又東北經中

衛城此自蘭州北至又經靈州所至寧夏府境西當長城

斷處又東北此計七百分爲二派復合西當長城斷處又東北出

邊七百中又東北此計七百分爲二派復合西當長城斷處又東北出

東復合此共六百餘里東北流又分南北二支一支又

分爲二三渠並東中間屢分屢合又流五百數十里至

古勝州地轉東南流東岸入山西平魯縣邊界又南流

經西岸陝西邊城起處府谷縣界自此山西東岸經

河曲縣保德州境又西南經西岸神木葭州吳堡綏德

東岸臨縣永寧諸境又西南經西岸青澗延川延長官

川東岸石樓永和太寧吉州諸境又東南經東岸鄉寧

西岸韓城及東岸河津縣西北之龍門山其山對峙

其下又西南合汾水經西岸郃陽朝邑東岸榮河臨

晉蒲州與洛河會又南至南岸華陰縣有渭水合涇水

諸河來會自姑蘇計二千五百餘里又折而東南岸至

潼關入河南閩鄉縣界東岸山西靈寶又東北經南岸陝州北

界又經北岸芮城南岸靈寶又東北經南岸陝州北

岸平陸過底柱山又經南岸灋池北岸垣曲會沈水又東流北岸亦入河南界岸自此河南東全經河南省地府經南岸新安洛陽北岸濟源又東南經南岸孟津北岸孟縣又折東北至南岸鞏縣有濟水支津來入之又東經北岸溫縣至汜水縣有洛水合伊閭瀍諸水來會又東北經武陟縣有猪龍河即濟水支津來會又東南經南岸滎陽河陰滎澤北又東南經原武南舊道經原武北入鄭州北又經陽武南中牟北又東經延津南祥符北封邱南陳畱北又東南經蘭陽儀封考誠北又東入山東曹縣界經單縣南又東南入江南界經碭山北豐縣南沛縣南蕭縣北徐州府城北邳州南睢寧北至宿遷縣數折經桃源北清河南與淮水會自此而東入海又折東北經淮安府治山陽縣西北之清江浦又經阜寧北境至安東城南又過北沙鎮北過雲梯關入於海自城三縣北又東北至直隸濬縣之大伾山西轉屈向北即兗之西南界也自是斜趨而北至直隸南宮縣向東分為九河至天津之直沽口入海自大伾西山之直沽



卽兗西北界洧卽古濟字其源出河南懷慶府濟源縣西北與山西垣曲陽城二縣接界之王屋山山有太乙池渟泓不流卽濟源禹貢所謂沅水也東數十里出地東流經濟源縣城東北又東分爲二派一經柏香鎮之南東南流入河一東流經鎮北又東曰豬龍河經府城南又經濟源縣北至武陟縣南入河周以前屢伏屢見通滎爲滎川至山東樂安縣北入海今小清河口卽古洧入海處廬維註謂當爲雷雍字之誤也且引禹貢雷夏既澤雍沮會同然此皆兗州所有之水徒以字形畧似而改之似不可信顧景范亦不從鄭註謂廬卽長清廢廬縣之廬水維卽濰縣之濰水夫廬水固在兗境若濰則盡入幽矣此亦不可信也愚謂兗幽二浸斷屬後人誤易今定兗浸爲舊時舊卽淄水源出淄川縣西南與萊蕪接界之原山分水嶺東東北經臨淄城東又東北經樂安壽光二縣東北合北陽河爲鉅定湖又東北入於海鉅定湖卽清水泊自西南而東北長五十里南北二三十里當樂安之東壽光之北時卽伏淄之再見者出臨淄西南卽烏河亦名如水亦名黑水時水與淄皆

黑色故也。逕故博昌界。澠水入焉。又東北至廣繞故城北。東北入淄。金皇統以後，二水合。洑入海。前此不爾也。要亦在洑東，與之不遠。故後此得與洑同入海耳。二水之爲克浸，又何疑邪？註四種黍稷稻麥。

正西曰雍州。

雍，於用反。禹貢西方有雍，有梁，殷省梁入雍。周人因之，故言正西也。然實割雍東南方

八百里合豫，以爲國畿，則狹於禹時矣。顧梁州雖廢，漢中及三巴以南，外達微盧彭濮，胥入統內，則雍州不更恢。○其山鎮曰嶽山，其澤藪曰弦蒲，其川涇汭，其浸渭。

洛，其利玉石，其民三男二女，其畜宜牛馬，其穀宜黍稷。

汭如銳反。嶽山，卽吳山，亦名吳嶽山。古文以爲嶠山。在陝西鳳翔府隴州南百四十里。弦蒲，在隴州西四十里。涇水，出甘肅平涼府平涼縣西南笄頭山，亦名崆峒山。東南流，經府城西北，又東南經華亭崇信二縣，又東南至陝西之長武縣，又經永壽淳化醴泉涇陽四縣，又東南至高陵縣西南入渭。汭水，出甘肅平涼府華亭縣

西隴山之東麓東南流又東北經縣城南又東北經崇信城北又東流折北入涇渭水出甘肅蘭州府渭源縣西鳥鼠山一名青雀山中間歷二十餘縣至陝西同州府華陰縣東北入大河卽古渭內地中所歷之境爲隴西寧遠伏羌秦安秦州清水隴州寶雞鳳翔岐山扶風郿縣武功盩厔興平鄠縣咸陽長安咸寧高陵臨潼渭南華州諸地洛水出甘肅慶陽府治安化縣北境三百餘里之白於山兩源合流後又分又合經保安安塞甘泉邠州洛川中部宜君泉澄城蒲城諸州縣境至同州府朝邑縣南太白池北於趙渡鎮南東入黃河若舊道則於朝邑西之朝坂南經趙渡鎮至華陰縣西北合渭水入河自明時改流不南入渭而徑入河南去渭口已三十里玉石山利宜牛馬水草美也宜黍稷地高多寒蜀以南或當異是

東北曰幽州

周之幽州卽禹貢青州但岱山以北至於淄

東北及西境則皆禹貢青壤或曰周之幽卽禹貢之青舜時之營也殷人亦曰營州其西界皆取遼水平曰周

之幽、冀與殷之營，與禹貢之青，無不兼遼水東西者。界遼則近南，永平六屬不入統內，勢已不全。其在北者，寧錦以西，從來東屬者，亦可指爲非幽州境邪？曰：禹貢雖指交推精核，固以遼水爲界矣。曰：此雖指之誤也。禹貢之逆河，卽後之渤海。海南溜灘，旣已入青，未有海北之地，不同入青者。自禹時至周初，碣石未淪，南岸北岸相隔，不過二百里，兼轄無難。不如後世海濶五六百里，勢不相及也。竊意爾時南北兩岸地勢必相準直，令南可援北，北得蔽南，此情事之一定者。然則禹貢之青，舜及殷之營，與周之幽，其渤海北境，有不以灤河碣石爲西界，而東取六七百里之遼水者乎？且不兼北岸，必由登萊渡海以達遼東，東表之地，兼轄尤難。故雖指所指西界不足信也。曰：此州以何地爲西界？曰：今永平、盧龍縣灤水入逆河處也。在古時，則碣石亦爲標志。灤水以東爲幽之西南界，水西卽并。○其山鎮曰醫無閭，其澤薺東南界，又卽兗之東北界。

曰：獫狁其川河沸，其浸菑時，其利魚鹽，其民一男三女。

其畜宜四擾其穀宜三種獫音兮。醫無閭山在大遼河西廣寧縣西境獫養澤在

山東登州府萊陽縣東其川河涉河涉二字斷屬竄改蓋周時堯之西北界東河其東南境則無不驗涉則二川全入兗境幽州在兗州東北界址劃然安得河涉即潞澤為涉水終見別支流經濟寧州魚臺縣入泗然由泗入淮由淮入海則青州川矣於幽何涉邪竊意此州山鎮在遼西則自朝鮮以西迄并東界其地洪流可指為一州川者如浪水鴨綠江大遼河不一而足今雖不敢切指其不取於河涉則確然可信也至於其浸則斷非舊時而當取盧龍維然非顧景范所指盧水按今遼西永平附府有盧龍縣盧者黑色龍即水也縣以水得名而田疇直以為盧龍之塞則并可據水以資守禦幽浸允可無疑若維則韓信破龍且之濰水即禹貢青州之濰也俗曰淮河淮即濰字與淮沂之淮異考濰水出山東沂州府莒州西北箕屋山歷諸城安邱至萊州府濰縣又經昌邑東北入海水在舊時二浸之東亦幽州浸也揚荆青亦邊海而幽州之利獨言魚鹽沿海之地獨

多也。周之青州橫廣而縱促，沿海自淮口以上，不過數  
百里，卽及幽州南界，自南界沿海而北，至於成山，不及  
千里。東北自成山沿海至武定府之海豐縣，一千五百  
里。又自海豐沿海而北，至直隸天津府直沽口，北抵武  
清縣南二百五十里，又折而東，東北至山海關，六百里。  
又自山海關東北至遼河口，六百里，又南至旅順城，亦  
六百里。又東北至朝鮮界之鴨綠江口，八百餘里。朝鮮  
亦屬幽州，沿海東北，又沿海而北，當踰千里之外。海孺  
之利誠莫過於此州也。四擾羊豕雞犬，註三種黍稷，稻  
歷來儒說說禹貢則以遼水爲冀青界，說職方則以  
遼水爲并幽界。然此州山鎮爲醫無閭，而醫無閭在大  
遼河西之廣寧，山鎮旣在遼西，則廣寧以南至直隸永  
平，斷屬青幽冀并，東界在灤河碣石，而不在大遼河，尤  
灼然矣。乃明之一統志，竟謂舜分廣寧以西爲幽州，分  
廣寧以東爲營州，夫舜之幽營卽周之并幽也。旣言幽  
營何不更言并幽，蓋明知遼西之廣寧有醫無閭爲職  
方幽州山鎮，特  
避之而不言也。

河內曰冀州

禹貢冀爲帝都包舜幽并之地蓋北跨恆山以

入海之北亦兼之殷人之制兩河間曰冀州燕曰幽州則析冀北之地及東河東曲以上之地別置幽州周官

因之仍設二州冀北改并而冀仍其舊其界胥不異也然變文曰河內則仍以兩河對立處爲北界東西界又

且以南河表南界也○其山鎮曰霍山其澤藪曰楊紆其川漳其

浸汾潞其利松柏其民五男三女其畜宜牛羊其穀宜

黍稷

紆影俱反。霍山在山西平陽府霍州卽太岳山也古以爲中嶽爾雅秦有楊紆當在雍州必傳寫

之訛然今平陽府洪洞縣古楊侯國也漢曰楊縣此及襄陵絳州諸境皆汾河委輸或周時有澤乎當闕疑以

俟考漳清漳也出山西平定州樂平縣西沾嶺之大陂谷東南流經和順遼州又經河南涉縣西界之遊城村

至林縣北會濁漳今日交漳口濁漳卽潞汾水於并爲澤藪於冀爲浸詳并州澤藪於下通考之路出山西長

子縣西南發鳩山一名鹿谷山經潞安府北又經屯留潞城襄垣黎城四縣又東入河南林縣西北界又東至交漳口與清漳會又東流經彰德府治安陽磁州至臨漳縣又東北入直隸成安界至廣平縣西南分爲二派一派東流經魏縣元城入山東冠縣西界合衛河經館陶西北至臨清州入運河一派東北流經肥鄉東入山東邱縣界又分爲二派一派東北流入直隸威縣界經清河故城聚強衡水景州武邑阜城交河南皮滄州又至青縣南會運河北達直沽一派西北流至直隸界龍堂又經廣宗鉅鹿至新河西南北流入大陸澤又東北流經衡水武邑武強交河境至獻縣復分爲二至天津俱會而東入海河未南涉時二漳舊道入大陸澤後入河而歸海今惟汾流不甚改遷通典以潞爲今密雲之潞夫密雲之潞在并州無與於冀矣況漳出今潞安地因水而得名可舍近而遠取邪利松柏山林之地多也

正北曰并州

并卑盈反。禹貢之冀兼并殷人乃析冀北爲幽州周則移幽於東北復於冀北置并州

周官心解

卷二十一

夏官

職方氏

十三

經筵堂



州之四境與虞殷不稍異并南界在今南宮縣東河曲向東處西界西河北至塞東界則灤河碣石渤海北岸也地形南北促東西長冀則東西不及千里南北一千數百里與并不同矣并州在幽西雍東冀州之北故曰正○其山鎮曰恆山其澤藪曰昭餘祁其川庫池嘓夷

其浸涑易其利布帛其民二男三女其畜宜五擾其穀

宜五種

庫音呼池徒多反嘓翁侯反。恆山在直隸定州曲陽縣西北亦名大茂山古北嶽也今改山

西渾源州之恆山昭餘祁在山西大原府祁縣東又名

郭城泊以南接郭地也亦名大陸亦名滹夷之澤元和

志在介休縣東北二十六里澤爲汾水所匯而成汾水

出忻州靜樂縣北之管涔山亦名燕京山恆嶽之西峯

也按汾水在并州者歷十縣境靜樂以南陽曲大原清

源徐溝交城文水平遙汾陽介休是也在冀州合十四

縣孝義靈石汾西霍州趙城洪洞臨汾襄陵太平曲沃

降州稷山河津榮河是也河津榮河以上水經注云汾

水南經張陽城東又西南屬於陂陂分爲二東陂世謂之晉興澤西陂卽張澤也西陂北去蒲坂十五里按汾水有此二澤所由爲冀浸也禁河縣北境汾入西河世謂之汾口在龍門南五十里汾水源自管涔屈曲西南流至汾口入河約一千五六百里所受水亦多其在并者則晉水最著在冀則滄陳最著洸且至與汾並稱左氏傳所謂臺駘能業其官以宣汾洸是也庫池出代州繁峙縣東北泰戲山卽禹貢之衛水也其河西流經代州城東南又西南經崞縣又南至忻州北境之忻口折而東南經定襄五臺孟縣又東入長城黑山關東南入直隸界自發源至此迴環九百里又東南經平山靈壽獲鹿及真定府城南又東南經藁城晉州至東鹿東南入大陸澤自是又東南流經晉州折而東北經衡水武邑武強交河四縣至獻縣分爲二支一東北流至滄州合漳河又北至青縣會運河經靜海縣至天津會白河桑乾諸水入海一北流經河間府及青縣大城二縣又經靜海至西沽北會白河桑乾諸水又會運河二支復合自入直隸至入海又一千二百餘里大河改移今亦

非舊道也。嘔夷出山西渾源之槍峯嶺，東流合唐河，卽  
流。水又東流，經靈邱、廣昌二縣，入直隸倒馬關，又東南  
流，經曲陽、唐縣、定州，至祁州。會沙滋二河，東北流，爲豬  
龍河。經博野、蠡縣、肅寧、高陽四縣，又北至安州。之東南  
入泊，泊在任邱縣北。趙北口又東北，經保定、霸州、永清、  
東安，會桑乾河。又東南流，至西沽，會諸水，爲清水河。卽  
會同河。由天津北，又東南，南百餘里，至大沽北，入於海。嘔  
夷合唐河，卽禹貢之恆水也。槍峯嶺亦恆嶽支峯。涑古  
桃水，今曰拒馬河。源出直隸易州廣昌縣北，崖古塔，東  
北流，又東流，至紫荆關北，入長城。直隸界經易州山中，  
折而東南流，經涑水縣，又東南，南至涿州。經固安縣，至新  
城，會北易水。又經雄縣，由趙北口入泊。又東北流，會桑  
乾河。又東南，會諸水，同入海。易水有三，曰武，曰濡，曰雹。  
雹則南易，武濡之合，卽北易也。北易，武水出易州西山，  
濡水出西北窮獨山。二水合後，東南經定興縣，與涑水  
會。會合諸水入海，與涑水同。武濡至清，今名白溝河。南  
易，雹水一名鮑河，亦曰長流河。出易州西南山，東南流，  
經安肅容城二縣，又東南，至新安，會徐河入泊。又會北

易涑水以下合眾水入西沽皆同道入海此皆今水道  
古時庫池由九河之徒駭河入海嘔夷涑易亦皆入河  
涑易名浸以皆入泊可灌溉布帛絲枲爲之豫言絲枲  
而此言布帛不及豫所出饒也註五擾馬牛羊犬豕五  
種黍稷菽麥稻。辭士龍曰冀兗青徐揚荆豫梁雍禹  
貢之九州也冀豫雍幽營揚兗荆徐爾雅之九州也揚  
荆豫青兗雍冀幽并職方之九州也郭璞以爾雅所稱  
禹貢之九州是商有幽營而無禹貢之梁青周有幽并而無  
禹貢之徐梁陳氏曰九州山川澤藪各在職方不屬  
諸侯之版觀詩不以圃田係鄭春秋不以沙麓係晉畧  
可觀矣周季諸侯始擅不盼之利齊幹山海而桃林之  
塞郇瑕之地晉實私之此諸侯所以僭侈王室所以衰  
微也

乃辨九服之邦國。方千里曰王畿。其外方五百里曰侯服。  
又其外方五百里曰甸服。又其外方五百里曰男服。又

其外方五百里曰采服。又其外方五百里曰衛服。又其外方五百里曰蠻服。又其外方五百里曰夷服。又其外方五百里曰鎮服。又其外方五百里曰藩服。周分天下為九州以豫為王畿其外八州雍揚最大荆幽次之青兗冀并或千里或未及千里廣狹殊不同也又冀兗徐揚荆雍皆界王畿而幽隔於兗并隔於冀不與王畿接辨九服之國令畫一以拱衛王畿也故變畿而言服以九州為經而此緯之所以別親疎貴賤之等而立遠近中外之防者胥在於此矣周之王畿方千里其外九服各五百里所謂五百里者以兩面言之如東面二百五十里西面亦二百五十里合之則五百里也周之王畿合九服方五千五百里也

凡邦國千里封公以方五百里則四公方四百里則六侯

方三百里則七伯。方二百里則二十五子。方百里則百

男。以周知天下。

七伯之七當依註作十一。以此率徧知入州封國多少之數也。七伯當為十

一伯。鄭註以為字之誤。誠是九州之地。惟王畿斷長補短。整方千里外。此八州大小不同。地大者封國多地小

者。封國少。幾於參錯難知。以千里為定法。而以四公六侯十一伯二十五子百男之數差之。則八州之地小大

不齊。分封多寡皆一一可知也。或曰王畿亦封侯國。何以第言八州。曰畿內三采大都六十四里。小都三十二

里。家邑十六里。與五百里四百里五等封國大別。不得以此例之也。

凡邦國小大相維。

註大國比小國。小國事大國。相維聯也。按小大相維則無侵陵違抗之爭而相

庇相輔可以長相保安。

王設其牧。

註選諸侯賢者為牧使牧理之。按使各統一州也。

制其職各以其所能

職監及三卿之屬監天子之大夫監於諸侯者三卿則諸侯大臣命於天

子者也

制其貢各以其所有

註國之地物所有按此當在九服九貢之外各隨所有故九貢祀嬭器幣

等皆有定數而此不立貢物之名此亦隨九貢貢王

王將巡守則戒于四方曰各脩平乃守攷乃職事無敢不

敬戒國有大刑

巡守之守音狩。攷攷諸故籍王巡守所當共具各具於籍也註乃猶女也守

國竟之內職事所當共具

○及王之所行先道帥其屬而巡戒令

先

薦反。先道先王行巡戒令

○王殷國亦如之

註殷眾也十二

巡行檢核前日所戒之令歲王不巡守則六服盡朝謂之殷國疏王殷國或在畿內國城外爲之或向畿外諸侯之國行之按戒於四方

及先道巡戒令與巡守同。又按職方所掌皆大司馬九灋中事辨九服二節制畿封國中事也而設儀辨等亦具焉小大相維則比小事大中事設牧置職各以所能則建牧立監進賢興功中事制貢各以所有則施貢中事攷職則分職之事亦見焉脩平乃守則均守平則亦具焉矣所不及者惟制軍詰禁簡稽鄉民二事耳以二事爲九伐而設故職方不及也職方於平時掌此等灋以馭列邦有違犯大司馬乃以九伐之灋伐之此職方所以爲政典要職也而使同貫利一事則利賴及天下者下合方專掌此灋可見關係之重

○土方氏掌土圭之灋以致日景

夏至景尺有五寸乃爲地中外此則景短景長

景夕景朝胥有偏駁之患不能如豫州之六擾五種無所不宜也然而皆可以立國惟不審南北東西中之別則無以知其宜而難於立國以土地相宅而建邦國都耳故土方氏致景以辨之

相悉亮反。土地猶度地以土圭致日景而土之以知東西南北中之異而地之大小亦準於土圭大司



徒凡建邦國以土圭土地而制其域是也相宅相其可  
居者邦國都鄙兼王國侯邦建王國王食十六同以八  
十四同置都鄙諸侯之國公二十五同食者十二同半  
以十二同半制都鄙侯十六同食五同又三分同之一  
以十同又三分同之二制都鄙伯九同食三同以六同  
制都鄙子四同食一同以三同制都鄙男一同食二十  
五成以七十  
五成制都鄙

以辨土宜土化之瀆而授任地者土宜之辨大要有九即職方畜穀之宜各異是

也細分之則有十二土之名物以阜人民蕃鳥獸毓草木  
任土事又有十二壤之物以知其種而教稼穡樹藝  
土化之瀆掌於草人即辨剛用牛赤緹用羊九者是也  
授任地者於國則於王授大司徒於諸侯授其上卿於  
都鄙皆授其掌都鄙者  
也疏授以書作瀆授之

王巡守則樹王舍掌舍設椹桓時此官亦以土圭致景而正其方面也

○懷方氏掌來遠方之民致方貢致遠物而送逆之達之

以節

註遠方之民四夷之民也。諭德延壽以來之按此在九州之外方貢如西旅貢獒越裳貢白雉不列

於行人九貢者遠物資中國之用而為中國所無尤須致之方貢出於彼君長以民言不列名於王朝也。送逆令所在送逆達節令所至易節也。註達民以旌節達貢物以璽節按門關亦授驗符節

治其委積

館舍飲食

註續食其往來按此亦兼王朝八州言疏遺人十里有廬廬有飲食三十里有宿宿有委

五十里有

市市有積

○合方氏掌達天下之道路

註津梁相湊不得陷絕按天下通九州言通其財

利

懋遷有無無不相通即所謂同貫利也

同其數器

註權衡不得有輕重

登其度量

註尺丈釜鍾

除其怨惡

惡安路反。禁土著陵侮市易時更不得為奸弊

同其

好善好呼報反。善待之以遂所好。又嘉予其善也。職方使九州同貫利此為專官上懷方氏致方貢

遠物又從此恢之

○訓方氏掌道四方之政事與其上下之志註道為王說之四方諸侯

上下君臣誦四方之傳道傳直繼反。傳道四方世所傳往古善事為王誦言之令王知其舊

善可施行也誦大言以述之

正歲則布而訓四方正歲夏十一月四方政事與上下之志皆有善惡正歲則訓方以王命敷

陳傳道以訓之令遷善去惡而則古昔也而觀新物註四時新物出觀之以知民志志淫行肆則以

政教化正之黃文叔曰布訓四方使述其舊美也觀新物察風俗之變

○形方氏掌制邦國之地域而正其封疆無有華離之地

華註音。瓜苦哇反。註華讀瓜。哨之瓜疏。瓜者。雨頭寬。中央狹。按離中間爲鄰。侵奪離隔不得連也。○使

小國事大國。大國比小國。比毗志反。上正其封疆。不使相侵。此又使絕侵奪之源。

此職方使邦國小大相維中事。

○山師掌山林之名。辨其物與其利害。而頒之于邦國。使

致其珍異之物。天下之山林甚多。山林之名。某山某林。名不同也。物者。毛物阜物。其類甚多。皆

因地而異。故須辨也。利如玉石金錫美材。皆是害。罔兩山魃蛇虎等。辨而頒之。各書其事。以予諸侯也。珍異。卽

物利之珍貴異常者。疏。山師及下川師原師。皆遙掌邦國內之山川原隰。使出珍異以供王。

○川師掌川澤之名。辨其物與其利害。而頒之于邦國。使

致其珍異之物。天下川澤亦至多。川澤之名。某川某澤。名不同也。物。鱗物膏物。所出因地而異。

利珠貝珊瑚菰蒲魚鹽等害蛟龍罔象諸害頒亦以物利及害爲籍頒之珍異同上致珍異於王諸侯守典者  
可利其常物上準此

○遼師掌四方之地名辨其邱陵墳衍遼隰之名。遼同原

墳衍皆可封國不僅遼隰也此則四方之未封諸侯者故遼師掌之既各掌其地名於其中又別三項之異知動植二物亦一一辨之物之可以封邑者。封邑必備民居而利之所出亦不遺矣物之可以封邑者。居穀土民居惟取可以爲宅居者若穀土則邱陵地高取其可以藝黍稷者墳衍地下取其可以種稻者若原隰平土或宜五種或宜四種卽三種二種皆可封邑也未封而先物之詩有功德也邑該國邑附庸與諸侯卿大夫之邑異

○匡人掌達濩則匡邦國而觀其慝使無敢反側以聽王命。此職嚴飭邦國之居上者濩則入濩入則入濩治官府入則治都鄙六典則頒之諸侯以治邦國者諸侯

欲不聽王命不敢顯背六典也先令其臣不用瀆則匡人達瀆則以匡之則務令改而避王制矣惡怨惡也反側背畔等事反側因於怨惡正之而見其有惡卽申明大義陳九瀆之不可干九伐之無可違令反側之念消而不敢不聽命也

○揮人掌誦王志道國之政事以巡天下之邦國而誥之

使萬民和說而正王面

揮同揮語魚據反說音悅。此職婉諭邦國之在下者邦國諸

侯之民皆王之民也王不能悉治而分屬之邦國使知有君而不知有大君不可也王志王愛萬民之志國之政事王國施於諸侯者也王志隱故誦言之政事共見故道之巡而誥之誥萬民也誥之以誦道二項註面猶鄉也按使民皆知王愛民之志邦國政事之善胥出於王孰不和說而鄉王乎鄉王言正王面見義當如此

○都司馬掌都之士庶子及其眾庶車馬兵甲之戒令

司都

馬大小都之司馬於都爲卿大宰立兩之一都之士庶  
子大小都卿大夫士支庶也其冢適亦輔都適子眾庶  
民也車馬甲兵統都在上在下者言有事調發乃有以  
戒令戒先事而戒令當時令之事皆掌於都司馬以  
國灋掌其政學以聽國司馬國灋王國之灋政軍政灋  
出大司馬所以治士庶子  
及眾庶者學教以道藝灋出大司徒所以教士庶子及  
眾庶者國司馬大司馬也掌政學在平時聽於國司馬  
在有事而  
調發時

○家司馬亦如之。此家邑之司馬也序官云各使其臣正  
於公司馬而此云亦如之知公司馬亦  
卽國司馬矣戒令之掌政學  
之灋無不如都司馬可知

周官心解卷第二十一終